

Sedar atau tidak kita sudah berada diambang tahun 2011 menuju abad ke-22 zaman globalisasi, canggih dan sofistikated. Setiap manusia akan menghadapi ujian. Bagi mereka yang berjaya mengaharunginya akan mendapat gajajaran pahala dan begitulah sebaliknya. Sama-sama kita renungi kisah Nabi Ayub a.s. yang telah diuji keimanannya terhadap Allah SWT.

Kisahanya bermula apabila iblis mendengar pujian daripada para malaikat terhadap Nabi Ayub a.s. Baginda merispekan seorang yang warak. Hatinya tidak pernah pudar daripada mengingati Allah SWT meskipun baginda dikurniakan dengan pelbagai kemewahan dunia. Setelah melihat sendiri keperibadian mulia Nabi Ayub, maka iblis berasa iri hati. Semenjak saat itu, maka iblis telah memohon dan mendapat keizinan daripada Allah SWT untuk menguji Nabi Ayub a.s. semata-mata untuk memalingkan keimanannya kepada Allah SWT

Pada permulaannya, dalam waktu yang singkat iblis telah menghancurkan semua harta milik Nabi Ayub a.s. seperti binatang ternakan, ladang dan bangunan sehingga baginda menjadi miskin.

Baginda kemudiannya diuji dengan penyakit berjangkit sehingga menjadi tidak bernyawa dan disisih oleh masyarakat.

Hanya isterinya yang setia merawatinya. Namun, keadaan ini tidak melemahkan keimanannya terhadap Allah SWT. Sagal melemahkan keimanan dalam diri Nabi Ayub, iblis kemudiannya menghasut isteri baginda supaya suami mohon kepada Allah agar dibebaskan dari penderitaan yang terus menerus. Lantas Nabi Ayub a.s. bertanya kepada isterinya, "Wahai isteriku engkau menyesali akan peristiwa yang terjadi, aku ingin bertanya kepadamu berapa tahunkah kita menikmati kesenangan dan kemewahan yang diberikan oleh Allah?" Isterinya menjawab "Aku malu memohon kepadaNya untuk bebas dari cubaan ini, jika dibandingkan nikmat yang telah kita rasakan dengan cubaan yang diberikan oleh Allah." Akhirnya Nabi Ayub a.s. dan isteri hidup dengan rukun dan damai bahkan Allah SWT telah menggantikan kembali anak-anak kepada mereka. (Rujuk

Al-Quran, Surah Sad ayat 41-44 dan Surah Al-Anbiya' ayat 83-84). Begitulah bukti kesabaran dan keimanan seorang hamba kepada Allah SWT yang mendambakan keredhaanNya. Keteguhan iman Nabi Ayub a.s. terbukti apabila baginda berjaya menghadapi ujian Allah SWT dengan penuh kesabaran dan ketaqwaan.

Iktibar daripada kisah tadi ialah Allah menguji hambaNya dengan pelbagai cara dan keadaan. Sebagai manusia biasa kita tidak akan terlepas daripada ujian di dalam meniti kehidupan yang mendatang. Begitu juga dengan kehidupan yang bakal kita harungi sepanjang 2011 yang mungkin lebih mencabar dari tahun sebelumnya. Namun begitu, dengan berkat keimanan dan ketaqwaan yang tinggi mudah-mudahan kita dapat mengharungi setiap ujian diiringi doa memohon perlindungan kepada Allah SWT daripada hasutan iblis dan syaitan yang sesat lagi menyesatkan. Setiap ujian pasti ada hikmahnya.

Renung-renungkanlah.....



Salam Hormat

daripada Editor

MUTIARA KATA IMAM SYAFIE

"Sabar menghadapi musibah adalah sebesar-besar erti sabar, di mana sabar itu memerlukan kesabaran pula. Adapan bala dan musibah, ia menunjukkan adanya perhatian dan kasih sayang Allah. Justeru syukurilah ia kerana syukur yang sedemikian setinggi-tinggi erti syukur."

IFIKRAH
JALAN HILIR, ENJANG, KAWAN, KUALA LUMPUR
Sidang Redaksi

PENAUUNG

Y.B. TUAN HJ. ABDUL MALIK
BIN ABUL KASSIM
EXCO HAL EHWAL AGAMA,
PERDABANGAN DALAM NEGERI
& HAL EHWAL PENGGUNA

PENASIHAT

Tuan Haji Sazali Haji Hussein
PENGARAH JHEAIPP

KETUA EDITOR

Mariah Haji Ismail
KETUA PENOLONG PENGARAH
BAHAGIAN DAKWAH, JHEAIPP

EDITOR

Mohd Amin Ismail

SIDANG EDITOR

Anuar Hakim Mohd Salleh
Muhammad Sayuti Omar
Norzali Mat
Muzafar Ikmal Saaid
Mohd Saifulah Hamzah
Mohd Lukmanul Hakim Mokhtar
Zulkifli Mohamed
Nor Liza Mohamed
Azmah Abdullah
Siti Suhaila Ansd
Maznah Yusoff
Azlina Mohd Dzuki
Siti Mariam Othman

JURUFOTO

Aziz Md. Zain
Haji Saidin Haji Ahmad (Samblian)

EDARAN

Zubir Jaafar
Siti Khodijah Yusof
Niond Zahri Zakana

Sebarang pendapat dan idea,
sila sampaikan melalui:

ifkrah.editor@gmail.com

KANDUNGAN

- 1 Sidang Redaksi / Laman Editor / Mutiara Kata: Imam Syafie
- 2-3 Fokus: Duji Sebelum Dipuji
- 4 Aqidah: Fahaman Syiah: Satu Penjelasan
- 5 Sosial: Valentine's Day Budaya Siapa?
- 6 Undang-undang:
HAMIL LUAR NIKAH DNA Alternatif Pembuktian
- 7-8 Pautan Exco:
Adun Batu Maung Rai Pelajar Cemerlang UPSR, PMR, SPM
- 9 Lensa IFikrah

10 Institusi Madani:

Masjid Daerah Seberang Perai Tengah

11 Rumahku Syurgaku: Bijak Urus Masa

12 Jejak Mithali: Seperti Umar Abdul Aziz, Kerajaan Pulau Pinang
Perangi Rasuah Ulamakan Rakyat

13 Ringkasan Khutbah Pilihan: Pendidikan Luqmanul Hakim

14 Khidmat Mesra: Permohonan Nikah Warga Asing

15 i-Fiqh: Tidak Bertegur Sapa

15 Diari JHEAIPP



Dalam kehidupan seharisan manusia tidak sesekali terlepas daripada kesusahan hidup. Hanya bagi mereka yang selalu bersabar akan menempuhi segala keperitan hidup ini dengan tenang dan yakin segala kesusahan ini ada hikmah sebaliknnya.

Bertainan dengan Firaun, sejarah mencatatkan sepanjang 400 tahun hidupnya di muka bumi ini, dia tidak pernah diuji dengan kesusahan dan kesakitan. Disebabkan nikmat yang diberikan Allah tersebut dia kufur dan bongkak sehingga dia berani mengaku dirinya sebagai tuhan.

Allah menguji hambaNya meliputi semua peringkat usia, kedudukan dan semua manusia tidak terkecuali daripada mendapat ujian Allah SWT. Ujian didatangkan dalam beberapa

bentuk, iaitu,

- i) Ujian berbentuk kesusahan seperti kemalangan, kematian, kebakaran, dan lain-lain).
- ii) Ujian berbentuk kesenangan seperti nikmat berkeluarga, harta benda, kedudukan, dan lain lain).
- iii) Ujian Aqidah, ujian ini merupakan ujian paling berat. Adakah persekitaran boleh memuaskan pegangan kita? Allah ingin menguji keimanan manusia sebelum diperiksa di Padang Mahsyar kelak. Justeru di dunia inilah kita perlu membuat pembetulan atau 'check and

balance' kerana setiap manusia mesti ada kesalahan syirik khafi (syirik yang tersembunyi di dalam hati) yang sukar untuk dikesan!. Firman Allah SWT dalam surah Al-Ankabut ayat 2 yang bermaksud:

"Patutkah manusia menyangka bahawa mereka akan dibiarkan dengan hanya berkata: "Kami beriman", sedang mereka tidak diuji (dengan sesuatu cubaan)?"

Ujian-ujian ini perlu untuk mengetahui kedudukan iman kita.



Hakikatnya manusia sentiasa diuji Allah SWT untuk melihat sejauh mana keimanan dan keyakinan mereka kepada-Nya. Apakah kita ini seorang yang bersikap sabar dan cekal hati atau mudah goyah iman apabila diuji dengan pelbagai dugaan di dunia yang sementara ini? Setiap ujian daripada Allah SWT ada hikmah-hikmah yang tidak dapat dicungkil oleh akal manusia.

Antaranya,

Hapus Dosa dan Tingkat Darjat

Ada dua tujuan besar yang tersirat daripada ujian Allah SWT,

- i) Untuk menghapus dosa (jika dia adalah seorang fasiq atau zalim, dan
- ii) Untuk meningkatkan darjatnya di sisi Allah SWT. Allah SWT hendak memberi pahala kepada orang yang sabar dan redha dengan takdir ilahi.

Sabda Rasulullah SAW yang

bermaksud: *"Tiada seorang Muslim yang menderita kelelahan atau penyakit, atau kesusahan hati, bahkan gangguan yang berupa duri melainkan semua kejadian itu akan berupa penebus dosanya."* (HR Bukhari dan Muslim)

Mengeratkan Ukhuwah

Ujian perlu kepada setiap individu ataupun jemaah, malah negara sekalipun. Ujian melalui perpaduan adalah untuk memperkukuhkan sesuatu jemaah atau negara, apabila berlaku bencana seperti gempa bumi, tsunami dan sebagainya. Ini adalah untuk membersihkan dari unsur-unsur negatif. Begitu juga sebuah perkahwinan, jika tidak berlaku pergaduhan suami isteri, dari mana datangnya kematangan dalam kehidupan!

Muhasabah Diri

Ramai orang tertipu dengan diri sendiri dengan beranggapan dirinya hebat, tabah, sabar dan tidak mudah melenting bila berhadapan dengan sesuatu keadaan yang sukar. Betulakah demikian? Bagaimana kita boleh berkata begitu, sedang kita belum diuji?.

Orang yang tidak sabar, pmarah dan mudah melenting, tandanya ada sifat-sifat mazmumah (sifat buruk) masih menebal dalam diri. Jika sifat tidak dikikis dalam diri, kita akan menghadapi kesukaran untuk melalui Titian Sirat.

Kita perlu insaf bahawa apapun ujian atau cubaan, semuanya menunjukkan bahawa Allah memelihara hambaNya supaya selalu mengingatiNya. Seterusnya bagi orang yang teguh imannya, ia

akan merasa tenang dan bahagia apabila berdepan dengan cubaan Allah. Ini satu cara Allah menghapuskan dosa, jika ujian itu dihadapi dengan kesabaran tinggi dan penuh keimanan.


Beginilah Allah memilih hamba-hambaNya untuk menghuni syurgaNya di akhirat nanti, dengan memberi ujian sama ada kecil atau besar. Hanya orang yang kuat imannya sahaja yang layak mendapat kesejahteraan yang kekal abadi.

KISAH UJIAN ALLAH TERHADAP 3 ORANG HAMBANYA

Allah SWT telah mengutuskan malaikat untuk menguji tiga orang Bani Israil yang mempunyai kekurangan, iaitu seorang berpenyakit sopak, seorang botak dan seorang lagi buta.

Malaikat datang kepada si sopak dan bertanya, "Apakah sesuatu yang paling kamu inginkan?" dia menjawab, "Saya menginginkan paras yang tampan, kulit yang cantik dan hilang penyakit yang jijik serta menjadi usahawan penternak unta yang maju." Maka malaikat lantas mengusap si sopak dan berubah menjadi seorang yang tampan dan kulit yang cantik serta diberi unta yang sedang bunting. Malaikat berkata, "Semoga Allah memberi berkat dan rahmat atas apa yang kamu terima"

Kemudian malaikat itu pergi kepada si botak dan bertanya, "Apakah yang paling engkau inginkan?" dia menjawab, "Rambut yang rapi dan hilangnya penyakit yang jijik serta menjadi usahawan penternak lembu yang maju." Lantas malaikat mengusap si botak, maka hilanglah penyakit dan tumbuhlah rambut yang cantik serta diberikan lembu yang sedang bunting. Malaikat



salah, saya pernah mengenali kamu, dahulu kamu orang berpenyakit dan miskin. Kemudian malaikat berkata, "Jika kamu berdusta, semoga Allah menjadikan kamu seperti keadaan asalmu."

Malaikat meneruskan perjalanannya ke tempat si buta dengan menyerupai seorang buta dan berkata, "Saya seorang miskin yang telah kehabisan bekalan, saya benar-benar minta pertolonganmu dengan izin Allah yang telah mengembalikan penglihatanmu, iaitu saya meminta seekor kambing sebagai bekalan untuk meneruskan perjalanan saya."

Si buta menjawab, "Saya dulu juga seorang yang buta kemudian Allah mencekikkan penglihatan, dan memberi kekayaan seperti ini, maka ambillah apa yang kau inginkan. Demi Allah, saya tidak akan menghalangmu daripada mengambiliya jika kerana Allah." Mendengar jawapan ikhlas itu, malaikat itu berkata, "Peliharalah harta kekayaanmu, sebenarnya kamu hanyalah diuji dan Allah benar-benar redha terhadap kamu dan Allah telah memurkai kedua-dua kawanmu."

(Ringkasan Kisah daripada Hadis Riwayat al-Bukhari dari Abu Hurairah r.a.)



Oleh: Azmah bt Abdullah, Bahagian Dakwah

Pengenalan

Menurut kamus, syiah bererti pengikut, pembantu, pendukung, firah atau golongan, terutama pengikut dan pencinta Sayidina Ali bin Abu Talib serta ahli keluarga Rasulullah SAW. Syiah adalah merupakan salah satu mazhab terbesar dalam Islam selepas Sunni. Golongan Syiah menolak kepimpinan tiga Khalifah Ar-Rasyidin, malah sebahagian mereka menghina para sahabat Rasulullah S.A.W. Pelopornya adalah Abdullah bin Saba' atau (dikenali dengan Ibnu Saudah). Beliau merupakan seorang Yahudi yang berasal dari Kota San'a (Yaman).

Aliran Utama Syiah

1. **Aliran Ghaliyyah** : Kepercayaan ini berasal dari ajaran Yahudi dan Nasrani. Terlalu ekstrem sehingga menganggap Sayidina Ali dan para imam sebagai penjelmaan Tuhan di bumi dan Tuhan telah wujud di dalam tubuh para pemimpin Syiah.

Terdiri daripada 15 golongan yang dinamakan al-Sabaiyyah yang diasaskan oleh Abdullah bin Saba'.

2. **Aliran Rafidah** : Menolak kekhalfahan Abu Bakar dan Umar bin Al-Khattab. Mengkafirkan para sahabat yang tidak mengikut Sayidina Ali bin Abu Talib sebagai khalifah selepas kewafatan Rasulullah SAW dan mempercayai Saidina Ali adalah maksum. Aliran ini terdiri daripada 25 golongan.

3. **Aliran Zaydiyyah** : Mempercayai bahawa pimpinan negara hendaklah daripada keturunan Fatimah. Mempercayai Tuhan adalah suatu benda (syai'un) tetapi tidak sama dengan segala benda dan segala benda tidak ada yang menyamai Tuhan.

4. **Syiah Imamiyyah atau Ja'fariyyah** : Meyakini kesucian Imam Dua Belas yang dipimpin oleh Musa al-Kazim bin Ja'far Al-Sadiq.

Aqidah Syiah

5 perkara menjadi Rukun Kepercayaan

Pegangan Syiah yang bertentangan dengan akidah Ahli Sunnah Wal Jamaah (ASWJ)


• **Aqidah Al-Imamah dan Al-Walayah** : Iaitu kepercayaan bahawa imam-imam dua belas itu dilantik berdasarkan nas daripada Allah dan mereka adalah maksum yakni terpelihara daripada dosa kecil dan besar serta jauh daripada sifat lupa dan lalai. Setiap nabi yang datang telah mengakui keimanan dan walayah Ali dan seseorang yang tidak mengenal Imam-imamnya maka dia dianggap tidak mengenal Allah.

• **Aqidah mengkafirkan para sahabat** : Iaitu menuduh para sahabat besar Rasulullah S.A.W. termasuklah Sayidina Abu Bakar, Umar, Uthman, Abdul Rahman bin Auf, isteri-isteri Rasulullah SAW dan sahabat-sahabat yang lain serta para malaikat telah murtad, memaki hamun dan melakukan tabarri yakni menyatakan sikap berlepas diri dan tidak mempunyai hubungan kasih sayang) terhadap mereka.

• **Aqidah ar-Raj'ah** : Iaitu mempercayai bahawa imam-imam Ahlul-Bait akan

atau Usul al-Din bagi golongan Mazhab Syiah:

1. **Tauhid** - Allah S.W.T itu satu.
2. **A'dalah** - Bahawa Allah S.W.T itu adil.
3. **Qiyamah** - Bahawa Allah S.W.T akan membangkitkan manusia untuk pengadilan di Hari Kiamat.
4. **Nubuwwah** - Bahawa nabi dan rasul yang ma'sum dilantik oleh Allah untuk mengajar dan membimbing manusia. Muhammad S.A.W merupakan nabi dan rasul yang terakhir.
5. **Imamah** - Bahawa Allah melantik orang-orang tertentu sebagai pemimpin umat manusia, yakni Imam. Umat manusia sentiasa mempunyai Imam dan hanya seorang Imam sahaja boleh wujud pada bila-bila masa sama ada Rasul atau Imam. Contohnya Imam Ali yang merupakan seorang Imam bukannya Rasul.



Pengharaman Melalui Fatwa

Muzakarah Jawatankuasa Fatwa Majlis Kebangsaan Bagi Hal Ehwal Agama Islam pada 5 Mei 1996 telah memutuskan ajaran Syiah adalah sesat dan mengharamkannya dari diamalkan di Malaysia.

Antara negeri yang telah mewarta dan mengharamkan Syiah ;

- **Negeri Sembilan** : 12 Mac 1998, Kelantan : September 1987
- **Selangor** : 19 Januari 1998, W.Persekutuan : 3 April 1997
- **Terengganu** : 25 September 1997, Pulau Pinang : 16 Januari 1997

Sumber Rujukan :

1. **Judul Buku** : *Siapa Ahlus Sunnah Wal Jamaah? Timbulnya Fahaman Sesat Dan Penyelewengan Di Kalangan Kaum Muslimin.* Penulis : **Umar Hasyim, Terbitan : Galeri Watikah**
2. **Kertas kerja bertajuk** : *Ancaman Syiah Kepada Umat Islam, oleh Ustaz*

yang telah merampas hak-hak mereka.

Kepercayaan seperti ini adalah bercanggah sama sekali dengan ajaran Islam tetapi ia merupakan perkara yang telah diijmakan (disepakati) oleh para ulama Syiah sebagai pegangan mereka.

• **Tahrif Al-Quran** : Iaitu mempercayai bahawa al-Quran yang terdapat di tangan umat Islam kini sudah berlaku penambahan, pengurangan dan penyelewengan padanya.

• **Al-Bada'** : Bada' bererti jahil iaitu tidak mempunyai ilmu yang meliputi. Golongan Syiah mempercayai Allah bersifat dengan sifat bada'.

• **Kahwin Mut'ah** : Ia merupakan satu bentuk perkahwinan yang tidak memerlukan tanggungjawab, nafkah, pusaka dan perkara-perkara lain yang berkaitan dengan perkahwinan yang berkekalan. Kahwin Mut'ah hanyalah berlandaskan nafsu dan untuk berseronok. Golongan Syiah menganggap perempuan yang dikahwini mut'ah hanyalah sebagai barang sewaan sahaja.

• **Taqiyyah** : Iaitu menyembunyikan sesuatu yang terdapat dalam hati dan menyatakan yang sebaliknya (menyembunyikan sebelum sebarang). Dalam fiqh usul, ia merujuk



VALENTINE'S DAY ... budaya siapa ?

Oleh : Mohd Lukmanul Hakim Mokhtar, Bahagian Pendidikan

Ramai menganggap bahawa 'Valentine's Day' atau Hari Memperingati Kekasih adalah hari tradisi yang mana para kekasih meluahkan rasa cinta sesama sendiri. Maka diadakan sambutan program sempena 'Valentine's Day'. Contohnya, mereka sibuk memilih kad-kad ucapan Hari Kekasih, menempah cenderunghati, jambangan bunga dan tempahan untuk makan malam bagi merayakan hari tersebut bersama pasangan masing-masing.

Budaya Valentine's Day

Salah satu budaya liberalisme yang mewarnai kehidupan masyarakat kita adalah perayaan "Hari Kekasih". Budaya asing ini, kini telah menular ke seluruh negara Islam dan menguasai laman aktiviti sosial di media massa, media cetak dan media elektronik seperti facebook, twitter, yahoo, google dan sebagainya. Malahan, tempias budaya ini turut tersebar di kedai-kedai kecil sehinggalah ke pusat membeli-belah yang terkemuka.

Bertemakan "Hari Memperingati Kekasih", demam Valentine's Day telah mendorong pasangan yang sedang dilamun cinta untuk mengungkapkan perasaan cinta dan menzahirkan perasaan sayang kepada insan yang

dikasihi. Namun pada hakikatnya, budaya ini sarat dengan kempen seks bebas iaitu melalui perhubungan seks yang tidak sah di sisi Islam.

Valentine's Day atau sinonim dengan sebutan "Hari Memperingati Kekasih" yang diraikan saban tahun dalam bulan Februari hanyalah merupakan salah satu momentum ke arah kempen seks bebas khususnya di kalangan muda mudi. Perilaku seks bebas yang berleluasa ini, ternyata dipengaruhi oleh budaya liberalisme. Kemunculan dan penyebarannya adalah merupakan hasil daripada proses liberalisasi budaya yang berlaku secara sistematik dan terancang oleh pihak tertentu dengan tujuan untuk meruntuhkan akidah dan akhlak umat Islam.

Ringkasnya, sambutan Valentine's Day yang semakin digilai ini adalah merupakan budaya yang mengandungi

Majlis Fatwa Kebangsaan

- Majlis Fatwa Kebangsaan pada 2005 memutuskan umat Islam dilarang membabitkan diri dalam perayaan Hari Kekasih.
- Sambutan Hari Kekasih tidak pernah dianjurkan Islam.
- Amalannya yang bercampur dengan perbuatan maksiat bercanggah dengan aqidah, syariah dan akhlak Islamiah.

Apa Peranan Kita


Sebagai seorang muslim yang beriman kepada Allah SWT, kita wajib mengelakkan diri kita terjerumus

unsur dan nilai liberalisme yang perlu dijaui. Ia bukanlah sebahagian daripada ajaran Nabi Muhammad S.A.W. malahan meraikannya adalah haram di sisi Islam.

Hukum Merayakan Hari Kekasih!

Menurut Asy Syaikh Muhammad bin Salih Al-Utsaimin: "Merayakan Hari Valentine itu Haram, kerana ia merupakan hari raya bid'ah yang tidak ada dasar hukumnya di dalam syari'at Islam. Dan ia dapat menyebabkan hati sibuk dengan perkara sia-sia yang sangat bertentangan dengan petunjuk para Salaf Salih (pendahulu kita) – semoga Allah merahai mereka.

kasih sayang yang tulus sepanjang masa bukan pada hari tertentu sahaja.



kelembah kemurkaan Allah. Kita perlu sedar bahawa budaya "Valentine" ini jelas bercanggah dengan hukum syarak, budaya ini boleh membawa kita ke lembah kesyirikan. Setiap orang Islam perlu menilai apa yang disuruh dan apa yang ditegah oleh Islam.

Ibu bapa berperanan mendidik anak-anak mengenali Allah dan mengamalkan ajaran RasuNya. Justeru, didiklah anak-anak berpandukan Al-Quran dan As-Sunnah supaya mereka mengerti bahawa merayakan Hari Kekasih adalah menyimpang dari ajaran agama Islam.

Semoga Allah sentiasa menjadikan hidun kita penuh dengan kecintaan dan

HAMIL LUAR NIKAH DNA Alternatif Pembuktian

Oleh: Mohd Saifulah bin Hamzah, Bahagian Pendakwaan

Hampir setiap hari media-media utama melaporkan tentang masalah gejala Hamil Luar Nikah dan pembuangan bayi. Rentetan daripada itu, satu kaedah pembuktian yang lebih moden telah dikenali. Jabatan Hal Ehwal Agama Islam Negeri Pulau Pinang telah menyusun strategi bagi melaksanakan pembuktian kes secara DNA (Deoxyribonucleic-Acid) di Mahkamah Syariah.

Pada 29 November 2010, Jabatan Hal Ehwal Agama Islam Pulau Pinang (JHEAIPP) telah menganjurkan Bengkel Penyelarasan dan Pelaksanaan

Undang-Undang Syariah 2010 bertujuan membincangkan secara khusus kaedah menangani gejala hamil luar nikah menurut perspektif undang-undang.

Cadangan mengadakan bengkel ini timbul rentetan daripada peningkatan statistik bagi kes yang berkaitan, di mana laporan yang dikeluarkan oleh Jabatan Pendaftaran Negara menunjukkan bahawa terdapat lebih 257,000 sijil kelahiran didaftarkan tanpa catatan nama bapa sejak tahun 2000 hingga Julai 2008.



Salah satu resolusi yang telah diputuskan melalui bengkel ini adalah keperluan untuk mengadakan kerjasama antara JHEAIPP dengan beberapa jabatan yang berkaitan sebagai usaha menangani dan membanteras gejala yang semakin menular ini melalui penguatkuasaan undang-undang atau khidmat nasihat.

Susulan daripada itu, satu mesyuarat bersama ketua-ketua jabatan yang berkenaan telah diadakan pada 19 Januari 2011 bagi membincangkan isu tersebut secara serius dengan langkah-langkah yang lebih komprehensif dalam membendung isu ini. Antara keputusan yang dicapai dalam mesyuarat ini ialah sudah tiba pembuktian secara DNA (Deoxyribonucleic Acid) dilaksanakan di Mahkamah Syariah bagi memastikan tiada pesalah akan terlepas daripada menjalani hukuman.

Mengikut Enekmun Kesalahan Jenayah Syariah Negeri Pulau Pinang

1996 pada Seksyen 23 (1) dan (2) menyebut:

(1) Mana-mana orang lelaki yang melakukan persetubuhan dengan perempuan yang bukan isterinya yang sah adalah melakukan suatu kesalahan dan apabila disabitkan boleh didenda tidak melebihi lima ribu ringgit atau dipenjarakan selama tempoh tidak melebihi tiga tahun atau disebat tidak melebihi enam sebatan atau dihukum dengan mana-mana kombinasi hukuman itu.

(2) Mana-mana orang perempuan yang melakukan persetubuhan dengan orang lelaki yang bukan suaminya yang sah adalah melakukan suatu kesalahan dan apabila disabitkan boleh didenda tidak melebihi lima ribu ringgit atau dipenjarakan selama tempoh tidak melebihi tiga tahun atau disebat tidak melebihi enam sebatan atau dihukum dengan mana-mana kombinasi hukuman itu.





PAUTAN EXCO

Pengerusi Jawatankuasa Hal Ehwal Agama,
Perdagangan Dalam Negeri Dan
Hal Ehwal Pengguna

(Y.B. Tuan Haji Abdul Malik bin Abul Kassim)



Adun Batu Maung Rai Pelajar Cemerlang UPSR, PMIR, SPM



BATU MAUNG : Pendidikan adalah satu wadah penting dalam menjana anjakan paradigma dalam setiap individu dan ia juga memainkan peranan penting dalam melahirkan insan deduktif yang dinamik dalam semua aspek kehidupan. Hasil pendidikan seharusnya dapat melahirkan insan yang mampu mengaplikasi ilmu yang dipelajari dan memanfaatkan kemahiran yang dimiliki dalam kehidupan seharian.

Menyedari hakikat itu, Ahli Dewan Undangan Negeri Batu Maung, Abdul Malik Kassim begitu menitikberatkan aspek pendidikan di kalangan pelajar di kawasan yang diwakilinya. Justeru pada setiap tahun beliau menganjurkan pelbagai program pendidikan yang melibatkan pelajar berbilang kaum di peringkat sekolah rendah dan menengah.

Selain menganjurkan kelas tambahan secara percuma dan penghargaan kepada pelajar cemerlang, beliau turut menghulurkan bantuan persekolahan

kepada keluarga yang kurang berkemampuan.

"Bagi pihak kerajaan negeri saya akan terus memberikan sokongan dan galakan dalam pendidikan anak-anak demi kepentingan rakyat di negeri ini," katanya pada Majlis Penghargaan Pelajar Cemerlang 2010 DUN Batu Maung yang diadakan pada 12 Disember lalu di

Dewan Desa Mayang di Bukit Gedong .
"Kerajaan Negeri sentiasa prihatin dan mengiktiraf kejayaan ibu bapa mendidik anak-anak mereka sehingga menjadi pelajar cemerlang bukan sahaja untuk keluarga tetapi untuk kemajuan masyarakat," jelasnya.

Pada majlis tersebut seramai 89 pelajar cemerlang UPSR, PMR dan

SPM Dun Batu Maung telah menerima penghargaan daripada Abdul Malik yang juga Pengerusi Jawatankuasa Hal Ehwal Agama, Perdagangan Dalam Negeri dan Hal Ehwal Pengguna. Manakala seramai 773 pelajar menerima sumbangan beg dan peralatan sekolah sebagai bantuan persekolahan mereka.



Tanpa mengira warna kulit, bangsa dan agama, pelajar-pelajar di Batu Maung berpeluang mengikuti kelas tambahan percuma yang dianjurkan oleh wakil rakyat kawasan mereka.

"Pendidikan adalah aspek penting dalam pembangunan masyarakat terutama di kawasan luar bandar," katanya pada majlis pelancaran kelas tambahan percuma yang diadakan pada 15 Januari lalu di Dewan Jawatankuasa Komuniti dan Keselamatan Kampung (JKKK) Sungai

Menurut Abdul Malik ibu bapa harus berikan sokongan kepada anak-anak bagi melonjakkan semangat mereka selain memberi komitmen terbaik dalam memastikan anak-anak dapat melipatgandakan kejayaan demi masa depan keluarga dan masyarakat yang lebih cemerlang

"Kita harap dengan adanya komitmen para ibu bapa dalam mendidik anak-anak membantu kita memajukan pembangunan masyarakat dan seterusnya melahirkan lebih ramai cerdik pandai dan pemimpin masa depan," katanya.

Selain para pelajar, ibu bapa mereka turut hadir pada majlis yang telah memasuki tahun kedua melibatkan lebih seratus pelajar yang akan menduduki UPSR, PMR dan SPM. Program tersebut dianjurkan oleh Pusat Khidmat Adun Batu Maung.

Seni SIKRAN! Maulidur Rasul

Ustaz Rosli Othman sedang menghuraikan bab-bab mengenai kelebnhan Rasulullah saw dalam kitab 'Bidayah As-Sul fitafidi Ar-Rasul' di Program pengajian Kitab sempena Sambutan Maulidur Rasul 2011 di Masjid Negeri Pulau Pinang.



Sebahagian peserta sedang mengkhusyuk meneliti kitab 'Bidayah As-Sul fitafidi Ar-Rasul' di Program pengajian Kitab sempena Sambutan Maulidur Rasul 2011 di Masjid Negeri Pulau Pinang.



Inam Muda Asraf sedang menerima Penghargaan Khas Malidur Rasul daripada TYT Yang di-Pertuan Negeri di Majlis Perhimpunan Ummah sempena Sambutan Maulidur Rasul Peringkat Negeri Pulau Pinang 2011.



Sebahagian para telamu dan orang ramai yang memenuhi Dewan Sri Pinang di Majlis Perhimpunan Ummah sempena Sambutan Maulidur Rasul Peringkat Negeri Pulau Pinang 2011.



Pemimpin negeri dan dif-dif jemputan sedang mengaminkan doa sebelum memulakan Majlis Perarakan sempena Sambutan Maulidur Rasul Peringkat Negeri Pulau Pinang Tahun 1432H/2011M di Astaka Padang

Oleh: Anuar Hakim Mohd Salleh, Pegawai Tadbir Agama Daerah Timur Laut



Sejarah awal

Masjid Permatang Rotan adalah nama lama bagi Masjid Daerah Seberang Perai Tengah. Berasal daripada sebuah masjid qaryah tetapi telah dinaik taraf sebagai masjid daerah bermula 13 Februari 2004. Pembinaan semula telah dilaksanakan melalui peruntukan yang disalurkan melalui Majlis Agama Islam Negeri Pulau Pinang. Kewujudan masjid ini sebagai pemangkin bagi membina

modal insan ke arah melahirkan manusia yang beriman, bertakwa dan memahami Islam sebagai ad-Din.

Penempatan

Masjid ini terletak di tengah-tengah Bandar PERDA yang mempunyai lebih kurang 10,000 ahli qaryah. Kedudukannya adalah berhadapan dengan Kompleks Majlis Perbandaran Seberang Perai. Ianya menjadi sebagai mercu tanda syiar Islam yang

menunjukkan perpaduan yang kukuh di kalangan penduduk setempat. Pelbagai kemudahan yang disediakan di masjid ini memudahkan para jemaah dan ahli qaryah melaksanakan program atau menghadiri kuliah-kuliah dengan selesa.



Aktiviti Yang Telah Dijalankan



Rancangan Radio IKIM)
ii.) Al-Fadhil Ustaz Yusof Zakaria - Ahli Panel (Fellow Pusat Sains dan Teknologi, IKIM)
iii.) Ustazah Che Nazrah Yusof - Ahli Panel (Pensyarah Institut Perguruan Malaysia Kampus Darul Aman)

perempuan.

5. Sukaneka. Terbahagi kepada 2 kategori iaitu kanak-kanak berumur 5 hingga 6 tahun dan 7 hingga 8 tahun.

6. Pertandingan Gubahan Tuala dan Kuih Wajik dengan kerjasama KEMAS kawasan parlimen Bukit Mertajam disertai oleh ibu-ibu di kawasan Bandar Perda seramai 15 orang.

1. Ceramah Agama oleh Al-Fadhil Ustaz Roslan Che Rus khas untuk golongan wanita.

2. Forum Bicara Ad-Deen dengan kerjasama Institut Kefahaman Islam Malaysia diadakan selepas solat Isyak. Moderator dan ahli panel iaitu :

i) Al-Fadhil Ustaz Mahadir Shahrudin - Moderator (Penerbit

3. Majlis Khatan Beramai-ramai. Jumlah peserta kanak-kanak seramai 42 orang. Tempat berkhatan dibahagikan kepada 3 iaitu : KPJ Penang Specialist Hospital-16 orang, Hospital Bukit Mertajam-15 orang dan Bangunan KAFA Masjid Daerah SPT-11 orang.

4. Kuiz Remaja. Anjuran Pejabat Agama Daerah SPT dengan kerjasama Masjid Daerah SPT. Penyertaan seramai 90 orang, pemenang kuiz terdiri daripada 3 peserta lelaki dan 3 peserta

7. Pameran oleh 7 agensi kerajaan dan swasta dari jam 9.00 pagi hingga 5.00 petang.


8. Kejoanan Street Soccer Rakan Muda Masjid yang disertai seramai 20 kumpulan yang dianggotai 4 orang setiap kumpulan.



Wawasan

Masjid Daerah Seberang Perai Tengah ini merupakan sebuah masjid yang aktif. Pelbagai aktiviti dan program dirancang untuk dilaksanakan

sepanjang tahun. Pengisiannya mengambil kira keperluan masyarakat setempat yang dahagakan pengisian rohani.



“Dua nikmat dari nikmat Allah yang ramai manusia terpedaya dengannya iaitu nikmat sihat dan kelapangan.” (Hadis Sahih)

Dunia semakin hari semakin moden dan manusia berlari ke sana ke mari mengejar peredaran zaman, bimbang ketinggalan ke belakang. Persoalannya, masih adakah masa lapang untuk kehidupan? Ke manakah masa terbuang?

Kuantiti VS Kualiti

Kuantiti Masa

Berapa jam dalam sehari, seminggu, sebulan atau setahun masa diuangkan bersama keluarga?

Kualiti Masa

Apakah aktiviti yang dilakukan untuk manfaat bersama dalam tempoh lapang yang ada?

Contoh Aduan Rumahtangga:

“Saya rasa sangat terabai dalam keluarga kerana masing-masing sibuk dengan hal masing-masing. Sedikit masa lapang yang ada hanya dihabiskan oleh pasangan dan anak-anak hanya dengan ber’facebook’, ‘twitter’, bermain ‘video game’ dan sebagainya.”

Semakin hari semakin hilang masa untuk mengenali pasangan, menyatakan perasaan, mendidik dan menasihati, bergurau senda serta berkasih sayang. Akhirnya timbulah perpecahan dan perbalahan yang sama sekali tiada siapa yang inginkan.

Rasullullah s.a.w bersabda yang bermaksud : “Rebutlah lima perkara sebelum datangnya lima perkara, masa sihatmu sebelum kamu sakit, masa

kayamu sebelum datangnya masa sempit (miskin), masa lapangmu sebelum tiba masa sibuk, masa mudamu sebelum datang masa tua dan masa hidupmu sebelum kamu mati.” (Riwayat al-Hakim dan al-Baihaqi).



ertinya umurku.”

Pengurusan Masa

Pengurusan masa adalah penting dalam kehidupan untuk kita mengkuaitkan kuantiti masa yang ada untuk manfaat kita bersama. Disiplin diri merupakan satu kaedah yang terbaik untuk sesuatu pengurusan masa. Disiplin yang dimaksudkan adalah aktiviti seharian yang tersusun samaada;

- Masa untuk bekerja
- Masa untuk pasangan

- Masa untuk bermasyarakat
- Masa untuk diri sendiri

Oleh itu, manfaatkanlah masa yang ada dengan sebaik-baiknya agar kehidupan kita tidak disia-siakan begitu sahaja. Perkara ini telah disebut dalam sebuah syair Arab yang bermaksud:

“ Jika seharian telah berlalu tetapi aku tidak memetik petunjuk dan aku tidak

“Demi masa. Sesungguhnya manusia itu benar-benar berada dalam kerugian kecuali orang-orang yang beriman dan mengerjakan amal soleh dan nasihat-menasihati supaya mentaati kebenaran dan nasihat-menasihati supaya menepati kesabaran.” (Surah Al-Asr : Ayat 1-3)

Seperti Umar Abdul Aziz, Kerajaan Pulau Pinang perangi rasuah utamakan rakyat

Dalam siri-siri sebelum ini, saya menukikan kisah Khalifah Umar Abdul Aziz melakukan reformasi dan perubahan sebaik menerajui kerajaannya. Baginda memperkenalkan beberapa pendekatan antaranya memerangi dan membersihkan gejala rasuah daripada pentadbiran terdahulu.

Sebaik menerajui kerajaan pada Mac 2008 kerajaan Pakatan Rakyat (PR) Pulau Pinang melalui Ketua Menteri Lim Guan Eng, menyatakan hasrat untuk mencontohi dan menerapkan prinsip pentadbiran Khalifah Umar Abdul Aziz dalam pentadbirannya, ramai yang bersyukur, namun tidak kurang yang mencemuh.

Bagi mereka yang bersyukur, mereka melihat dari sudut positif, iaitu hasrat seorang Ketua Menteri yang belum beragama Islam, menjadikan khalifah Islam sebagai idola serta contoh ikutan-nya dan tidak memilih tokoh bukan Islam mahupun Barat.

Bagi mereka yang mencemuh,

menganggap Islam hanya milik Melayu kononnya, justeru orang bukan Islam diharamkan mencontohi cara hidup Khalifah agung itu. Tanpa disedari, mereka sebenarnya sedang menjauhkan pemimpin bukan Islam dengan ajaran suci itu. Golongan itu tidak mahu bukan Islam mendekati dan mengenali Islam dengan lebih dekat.

URUSTADBIR CAT UNTUK PERANGI RASUAH

Sebagai kerajaan rakyat, adil untuk semua kaum, kerajaan negeri Pulau Pinang memperkenalkan urustadbir CAT (Cekap, Akauntabiliti & Telus) iaitu yang pertama di Malaysia. Ini bertujuan memerangi rasuah dan bagi membuktikan sebuah kerajaan bersih boleh menunjukkan prestasi yang lebih baik berbanding kerajaan yang mengamalkan rasuah.

Hasil urustadbir CAT bagi dua tahun berturut-turut Kerajaan Negeri telah mencatat lebihan dalam belanjawannya, iaitu lebihan sebanyak RM88.02 juta pada akhir tahun 2008 berbanding jangkaan defisit RM35.66 juta oleh kerajaan terdahulu, dan diulangi lagi pada tahun 2009 iaitu lebihan sebanyak RM77.34 juta berbanding jangkaan defisit RM39.46 juta.

Jumlah lebihan bagi tahun 2009 akan menjadi lebih besar iaitu RM92 juta

CONTOHI UMAR YANG UTAMAKAN RAKYAT

Sepertimana yang saya nukilkan dalam siri-siri sebelum ini, Khalifah Umar begitu mengutamakan rakyat lebih daripada diri dan keluarganya sendiri.

Renteian daripada urustadbir CAT, kerajaan negeri berjaya mengekang dan mambanteras rasuah dalam pentadbirannya. Ini telah mengukuhkan kedudukan kewangannya, telah membolehkan Kerajaan Negeri

KENALI KHALIFAH UMAR DARI SEBALIK TEMBOK PENJARA

Tidak ramai mengetahui, Ketua Menteri mengetahui kisah Umar Abdul Aziz melalui pembacaan dan teman-teman pemimpin Islam ketika beliau di penjara.

sekitarnya bayaran untuk skandal tanah Tang Hak Ju sewaktu pemerintahan kerajaan terdahulu sebanyak RM14.7 juta tidak dibayar pada tahun 2009 lalu.

Usaha pentadbiran CAT Pulau Pinang telah dipuji serta mendapat pengiktirafan oleh Laporan Ketua Audit Negara tahun 2008 dan 2009 serta badan antarabangsa anti-rasuah iaitu Transparency International.

daripada kepompong miskin tegar yang menelan belanja sebanyak RM2.3 juta setahun.

iv) Pemberian ex gratia kepada penyelia dan guru-guru kelas KAFA, bayaran saguhati pegawai-pegawai masjid, sumbangan kepada guru KAFA dan sumbangan kepada para huffaz yang menelan belanja keseluruhannya sebanyak RM2.749 juta setahun.

Dan pelbagai sumbangan dan bantuan-bantuan lain yang telah dinikmati oleh semua lapisan masyarakat Pulau Pinang sama ada secara langsung dan tidak langsung

semangatnya membela kaum tertindas. Pada 25 Ogos 1998, sekali lagi beliau ke jeriji besi, kali ini ke penjara Kajang selama 18 bulan setelah disabitkan dengan kesalahan kerana membela seorang gadis Melayu yang terbabit dengan kes Ketua Menteri Melaka ketika itu.

meneruskan program-program sosial yang mengutamakan rakyat, antaranya :

i) Program penghargaan warga emas dengan bayaran tahunan RM100.00 kepada penduduk berusia 60 tahun ke atas dan sumbangan RM1,000.00 kepada waris warga emas yang meninggal dunia yang melibatkan peruntukan sebanyak RM20 juta setahun.

ii) Program bantuan pendidikan sebanyak RM11.3 juta setahun yang dimanfaatkan oleh 172 buah sekolah meliputi Sekolah Agama Rakyat, Sekolah Jenis Kebangsaan Cina dan Tamil dan Sekolah Mubaligh.

iii) Bantuan kewangan bulanan bagi memastikan Ketua Isi Rumah terkeluar

Lalang dan dihumban ke tembok batu Kamunting pada Oktober 1987 selama dua tahun. Beliau dan ramai lagi menjadi mangsa undang-undang Tahanan Tanpa Bicara (ISA) yang jelas bercanggah dengan prinsip keadilan dalam Islam.

Pendidikan Luqmanul Hakim

Oleh: Bahagian Dakwah



Islam amat menitikberatkan soal pendidikan anak-anak. Ibu bapa mempunyai tanggungjawab yang besar dalam mendidik anak-anak sekaligus sebagai model dan contoh teladan kepada mereka.

Pendidikan Luqman Al-Hakim, telah tercatat di dalam Al-Quran berkaitan dengan kaedah pendidikan terhadap anak-anak untuk dihayati oleh umat Islam seluruhnya melalui Surah Luqman, ayat 13-19. Antara pendidikan yang digariskan ialah:

a) Pendidikan menjauhi perbuatan syirik kepada Allah:
Ibu bapa perlu terapkan kepada anak-anak asas aqidah iaitu tauhid kepada Allah. Kita perlu memperingatkan anak-anak kita tentang kesalahan syirik kepada Allah dan sentiasa membersihkan diri daripada kerosakkan dan kesesatan berpunca daripada syirik atau menyekutukan Allah.

b) Pendidikan berbuat baik kepada ibu bapa:

Berbuat baik kepada ibu bapa merupakan satu kewajipan yang mesti dilaksanakan oleh anak-anak. Berbakti kepada keduanya tidak terbatas semasa hidupnya sahaja bahkan diteruskan sehingga selepas mereka meninggal dunia seperti bersedekah, berbuat baik dengan kenalannya semasa hidup dan sebagainya. Ini merupakan tahap yang tinggi dalam Islam seperti sabda Rasulullah SAW yang bermaksud: "Keredhaan Allah bergantung kepada keredhaan ibu bapa dan kemurkaan Allah bergantung kepada kemurkaan ibu bapa".

c) Pendidikan Solat, Amar Makruf dan Nahi Mungkar serta sentiasa bersabar:

Solat adalah tiang agama dan juga ibadah pertama yang akan dihisab. Solat perlu dilakukan dengan khusyuk dan ikhlas kepada Allah. Solat yang sempurna dapat mencegah diri daripada melakukan perbuatan keji dan mungkar. Begitu juga sifat sabar kerana sabar itu sebahagian daripada iman.

d) Pendidikan jangan menyombong diri:

Bersifat sombong diri atau takbur adalah satu sifat mazmumah yang dilarang dalam Islam. Kita perlu menjauhi sifat tersebut dan perlu bertawaduk atau merendahkan diri bagi melahirkan keutuhan dalam persaudaraan.

e) Pendidikan bersifat kesederhanaan:
Bersederhana merujuk kepada keseimbangan, tidak berlebih-lebihan dan tidak melampau. Sifat ini menyerlahkan keperibadian dengan melahirkan akhlak yang terpuji dan budi pekerti mulia yang dituntut oleh agama.

Secara umumnya, kaedah pendidikan yang digariskan di dalam Surah Luqman ini mencakupi tiga aspek utama iaitu aqidah, syariat dan akhlak. Ia menjamin keberkesanan dalam pendidikan khususnya kepada anak-anak kita jika dapat dihayati dan diamalkan dalam kehidupan.

1. Membaca khutbah di atas mimbar dan disunatkan mimbar itu terletak di sebelah kanan mihrab iaitu sebelah kanan tempat imam sembahyang.

2. Duduk seketika di atas mimbar sebelum memulakan khutbah.

3. Orang ramai disunatkan menghadap muka ke arah khatib dengan mendengar segala isi kandungan khutbah secara teliti serta tidak menolehkan muka ke kanan dan ke kiri.

kepada orang ramai setelah berada di atas mimbar.

5. Memulakan khutbah dengan memuji-muji Allah serta bersyukur kepadanya, mengucapkan dua kalimat syahadah serta berselawat ke atas Nabi SAW.

6. Memperdengarkan khutbah dengan suara yang tinggi, nyaring dan kuat supaya dapat didengari oleh semua hadirin yang hadir.

7. Khatib disunatkan memegang pada

ataspin pada busur anak panah dengan tangan kirinya ketika berdiri berkhutbah.

8. Menurut jumhur ulama' sunat memendekkan kedua-dua khutbah di mana khutbah yang kedua lebih pendek dari khutbah yang pertama.

9. Setelah khatib selesai berkhutbah disunatkan segera turun ke mihrab untuk meminaikan sembahyang supaya tidak terputus pertuturan antara khutbah dengan sembahyang.

Sunat-sunat Khutbah



KHIDMAT MESRA

PROSEDUR PERMOHONAN NIKAH WARGANEGARA ASING DI PULAU PINANG

Oleh: Bahagian Undang-undang Keluarga Islam



Perkahwinan adalah sesuatu yang digalakkan dalam Islam, terutamanya bagi mereka yang mampu dan telah menyiapkan dirinya. Ia merupakan satu tanggungjawab dan amanah yang perlu dipikul oleh pasangan yang berkahwin.

Perkahwinan di antara perempuan Pulau Pinang dan lelaki warganegara asing adalah dibenarkan untuk dilakukan di Pulau Pinang. Adapun perkahwinan di antara lelaki Pulau Pinang dan perempuan warganegara asing adalah tidak digalakkan untuk dilakukan di Pulau Pinang. Perkahwinan hendaklah dilakukan di negara pemastautinan perempuan. Manakala perkahwinan sesama warganegara asing di Pulau

Pinang adalah tidak dibenarkan.

Bagi perkahwinan di antara perempuan Pulau Pinang dan lelaki warganegara asing, prosedur yang harus diikuti adalah berlainan daripada prosedur perkahwinan di antara sesama rakyat Pulau Pinang.

Secara amnya apabila warganegara asing dan perempuan Pulau Pinang ingin berkahwin, mereka hendaklah memohon kebenaran berkahwin dari Pejabat Agama Daerah mengikut tempat perempuan itu bermastautin.

Borang permohonan kebenaran berkahwin lelaki warganegara asing, hendaklah disertakan dengan dokumen sokongan berikut:-


1. Salinan pasport,
2. Surat kebenaran dari kedutaan negara pemohon yang telah disahkan oleh Kementerian Luar Malaysia,
3. Surat kelulusan berkahwin dari Jabatan Imigresen Malaysia,
4. Borang Ujian Saringan HIV dari hospital atau klinik kerajaan.

Borang permohonan dan dokumen sokongan hendaklah dikemukakan kepada Pendaftar Perkahwinan, Perceraian dan Rujuk Orang Islam untuk kelulusan selewat-lewatnya 21 hari sebelum tarikh akad nikah atau seawalnya 3 bulan sebelum tarikh tersebut.

Pemohon dinasihatkan supaya memohon kebenaran berkahwin dibuat lebih awal bagi mengelakkan sebarang kesulitan.

Perkahwinan hanya dibenarkan bagi

CARTA ALIRAN PERMOHONAN NIKAH WARGANEGARA ASING



warganegara asing yang mempunyai pas masuk atau visa sosial atau perniagaan sahaja. Bagi warganegara asing yang masuk ke negara ini melalui permit kerja sementara adalah tidak dibenarkan berkahwin. Sekiranya perkahwinan ini berlangsung dengan tidak mematuhi undang-undang maka ia akan memberi implikasi kepada permit kerja yang telah diberi kepada mereka.

Berkenaan dengan Kursus Praperkahwinan Islam, warganegara asing tidak diwajibkan mengikutinya. Walau bagaimanapun mereka digalakkan untuk mengikuti Kursus Praperkahwinan Islam jika boleh memahami bahasa yang digunakan dalam kursus.

Prosedur ini dikenakan untuk memastikan perkahwinan yang dijalankan teratur dan sempurna mengikut hukum syarak serta mencapai matlamat



TIDAK BERTEGUR SAPA

SOALAN :

Saya mempunyai seorang kawan baik. Walau bagaimanapun, sejak seminggu yang lalu, dia tidak mahu bercakap dengan saya. Salam saya juga tidak dijawab. Apa yang saya tahu, umat Islam dilarang untuk tidak bertegur sapa lebih daripada 3 hari. Boleh jelaskan lebih lanjut tentang larangan tersebut?



JAWAPAN:

Islam menuntut umatnya untuk hidup bersatu padu dan melarang berpecah belah. Di dalam al-Quran, surah al-Hujurat, ayat 10 dengan jelas menyatakan bahawa umat Islam adalah bersaudara dan dituntut untuk sentiasa memperbaiki hubungan sesama umat Islam. Umat Islam juga dituntut untuk sentiasa bersifat terbuka, suka memaafkan, berbaik sangka, tidak berdendam dan mengawal marah.

Seseorang kawan yang tidak bertegur sapa lebih daripada 3 hari, hukumannya adalah haram. Ini bersandarkan kepada hadis Rasulullah SAW yang diriwayatkan oleh Imam At Tirmizi yang bermaksud : "Tidak halal bagi seorang muslim itu tidak menegur sapa saudaranya lebih daripada 3 hari, berjumpa keduanya maka berpaling seorang ke arah lain dan seorang lagi ke arah lain. Yang lebih baik daripada dua orang ini adalah sesiapa yang memulakan salam."

Tindakan saudara yang memberikan salam walaupun tidak berjawab adalah amalan terpuji dan sudah cukup sebagai syarat perdamaian. Rasulullah SAW juga bersabda yang bermaksud: "Arasy lalu itu tergantung di 'Arasy lalu berkata, Sesiapa yang menyambungku (*silaturrahim*) maka Allah akan menyambungnyanya dan sesiapa yang memutuskanku,

maka Allah akan memutuskannya." (Riwayat Imam Bukhari).

Sikap tidak bertegur sapa dalam tempoh 3 hari adalah dimaafkan kerana tabiat manusia mempunyai sifat marah. Mudah-mudahan, dalam tempoh masa 3 hari tersebut, perasaan marah akan hilang dan diri semakin tenang serta pintu hati terbuka untuk perdamaian. Wallahu a'lam.

DIARI JHEAIPP

PROGRAM	TARIKH	TEMPAT
Program Lawatan Dakwah Bil Hal	8 Mac 2011 24 Mac 2011	Hospital Besar Pulau Pinang Hospital Sungai Bakap
Kursus Intensif Saudara Kita	27 Mac 2011	Kompleks Darul Hidayah, Permatang Tok Gelam, Penaga
Bengkel Bimbingan Fardhu Ain Siri 1	9 - 10 April 2011	Hotel Seri Malaysia, Kepala Batas
Majlis Tilawah Al-Quran Tahun 1432H / 2011M Peringkat Zon [Pulau]	16 April 2011	Masjid Daerah Barat Daya, Balik Pulau
Wacana Ilmu Dan Percambahan Minda Bersama Tokoh Ilmuwan Siri 2 / 2011	19 April 2011	Dewan Syarahan, Masjid Negeri Pulau Pinang
Majlis Tilawah Al-Quran Tahun 1432H / 2011M Peringkat Zon [Seberang Perai Utara]	22 April 2011	Masjid Permatang Sintok
Kursus Pascaperkahwinan Islam Bagi Saudara Kita	22 - 23 April 2011	Hotel Tanjung Bungah, Pulau Pinang
Ijtimak Guru-Guru Takmir 2011	26 April 2011	Dewan Millenium, Kepala Batas
Kelas Tafaquh Munakahat Bil. 3 / 2011	27 April 2011	Pejabat Agama Daerah Kepala Batas, SPU
Majlis Tilawah Al-Quran Peringkat Negeri	7 Mei 2011	Dewan Sri Pinang, Lebu Light, Pulau Pinang



جانن حال احوال آكام اسلامي فوڊون فيغ

فكرات FIKRAH

JABATAN HAL EHWAL AGAMA ISLAM PULAU PINANG
No. Tel: 04-263 7200, Faks: 04-250 2810, Laman Web: <http://jaipp.penang.gov.my>

Keluaran ke: 5 Tahun ke : 3

**Rai Pelajar Cemerlang
UPSR, PMR, SPM**

**Valentine's Day
Budaya Siapa ?**

**Permohonan Nikah
Warga Asing**

Bijak Urus Masa

Diuji sebelum dipuji !



ISSN 2180-1118



ercuma